

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- 26/11 आहले मुंबई आतंकवादी हमले दे मुख साजिशकर्ता तहर्वुर राणा गी 18एं दिनें लेई एनआईए दी रिमांड च भेजेआ गेआ ऐ।
- एलजी मनोज सिन्हा होरें राष्ट्र-बरोधी गतिविधिएं च मलव्वस द'ऊं मलाज़में गी सरकारी नौकरी शा बर्खास्त करी दिता ऐ।
- जम्मू-कश्मीर पुलस नै आतंकवादी ढांचे ते नार्को आतंकवाद दे खलाफ इक बड्डी कार्रवाई करदे होई पुंछ च इक ओवर ग्राउंड वर्कर दी संपत्ति गी अटैच कीता ऐ।
- जम्मू-कश्मीर दे ट्रांसपोर्ट खेतर नै 2024-25 ब'रे दरान 964 करोड़ रुपें दा राजस्व कठेरेया ऐ।
- उपमुख्यमंत्री सुरिंदर चौधरी होरें आखेआ ऐ जे सरकार पर्यावरण दी कीमत उप्पर खान्ना कइडने दी खुल्ल कदें बी नेई देग।

<><><><><><>

NIA-Rana

राष्ट्रीय जांच एजेंसी एनआईए नै 26/11 दे मुम्बई हमले दे मुख साजिशकर्ता तहव्वुर राणा गी जंदी संझा नमीं दिल्ली पुज्जने दे तुरत मगरा औपचारिक तौरा पर गिरफ्तार करी लैता।

पाकिस्तानी मूल दा कनाडाई नागरिक राणा गी मेडिकल जांच लेई लेता गेआ ते फी कल रातीं पटियाला हाउस च विशेष एनआईए जज दे सामने पेश कीता गेआ। अदालत नै उसी राश्ट्रीय जांच एजेंसी दी 18 दिनें दी हिरासत च भेजी दिता ऐ। ओहदे उप्पर डेविड कोलमैन हेडली उर्फ दाउद गिलानी ते लश्कर-ए-तैयबा ते हरकत-उल-जिहादी इस्लामी आतंकवादी संगठनें ते होर दुए पाकिस्तान स्थित साजिशकर्ताएं कन्ने मिलिये 2008 च मुम्बई च होए दे आतंकी हमले गी अंजाम देने दी साजिश करने दा दोष ऐ। इस विनाशकारी हमले च 166 लोकें दी मौत होई गई ही ते 238 शा मते लोक घायल होई गे हे। तहव्वुर हुसैन राणा दी गिरफ्तार पर मीडिया गी अपनी प्रतिक्रिया दिंदे होई जम्मू-कश्मीर दे साबका डीजीपी, एसपी वैद होरें आखेआ।

<><><><><><>

Employees-Sacked

लेफ्टिनेंट गवर्नर मनोज सिन्हा होरें राश्ट्र-बरोधी गतिविधिएं च मलव्वस द'ऊं सरकारी मलाज़में गी भारती संविधान दी दफा 311 दे तैहत नौकरी शा बर्खास्त करी दिता ऐ। जम्मू-कश्मीर पुलस च असिस्टेंट वायरलेस आपरेटर बशारत अहमद मीर, सुरक्षा सरबन्धी संवेदनशील जानकारीयां, पाकिस्तान दी खूफिया एजेंसिएं कन्ने सांझा करै करदा हा। एहदे अलावा लोक निर्माण विभाग च सीनियर असिस्टेंट इशतियाक अहमद मलिक, आतंकवादी गुट हिज़बुल मुजाहिद्दीन दा सैहयोगी होने दे कन्नो-कन्नी बंदिश आहले गुट जमात-ए-इस्लामी दा सरमर्ग कारकुन बी ऐ। ओह आतंकवादिएं गी मदाद ते खूफिया जानकारीयां उपलब्ध करोआ करदा हा जिस करी आम नागरिकें ते सुरक्षाबलें पर आतंकवादी हमले होआ करदे हे।

इशतियाक नै घाटी च ते खास तौर उप्पर दक्खनी कश्मीर च आतंकवादी नेटवर्क दा विस्तार करोआया ऐ। इ'नें दौनें गै मलाज़में, आतंकवादी गी मदाद देने लेई अपने औहद्धे दा गलत इस्तेमाल कीता जिस करी इंदे खलाफ कार्रवाई कीती गई ऐ।

<><><><><><>

Poonch Property Attached

आतंकवादी ढांचे ते नार्को आतंकवाद दे खलाफ इक बड्डी कार्रवाई करदे होई जम्मू-कश्मीर पुलसै बगेयाल धारा पुंछ दे बसनीक मोहम्मद बशीर दी 4 कनाल 15 मरले जिमीं अटैच करी दिती ऐ। मोहम्मद बशीर, आतंकवादी गुट शा बाह्र रेड़यै ओहदे लेई कम्म करने आहला इक ओवर ग्राउंड वर्कर ऐ। जांच दरान एह गल्ल सामने आई ऐ ओह बन्ने दे रोआर-पार नशीले पदार्थ दी तस्करी ते आतंकवादी गतिविधिं लेई रपेआ-पैसा उपलब्ध करोआने दे कम्मं च मलव्वस हा। अदालत दे हुकमै परैन्त ओहदे खलाफ एह कार्रवाई कीती गई ऐ। अधिकारिं आखेआ ऐ जे इस कार्रवाई दा मकसद प्रदेश च आतंकवादी नेटवर्क गी थोने आहली माली मदाद गी रोकना ते आतंकवाद दा समूलचा नास करना ऐ।

<><><><><><>

LG-Mahavir

लेफ्टिनेंट गवर्नर मनोज सिन्हा होरें नौजवानें गी आखेआ ऐ जे ओह निस्वार्थ सेवा गी अपनी जीवन शैली दा हिस्सा बनान तांजे उंदा पूरा-पराता विकास जकीनी बनने दे कन्नो-कन्नी समाजी ताने-बाने गी मजबूती थोए ते साढ़ी संस्कृति होर समृद्ध बनै।

एलजी होरें एह गल्ल कल जम्मू च एस.एस. जैन सभा आसेआ आयोजित महावीर जयंती आहले कार्यक्रम गी संबोधित करदे होई आखी। उ'नें आखेआ जे भगवान महावीर हुं'दे आसेआ दिती गेदी अहिंसा, दया भावना ते निस्वार्थ सेवा दि'आं शिक्षां, शाश्वत न ते इंदी बदौलत गै इक खरे समाज दा निर्माण कीता जाई सकदा ऐ। एलजी होरें शिक्षा संस्थानें गी आग्रैह कीता जे ओह इनें सिद्धांतें गी अपनाने लेई विद्यार्थिं दा दिल बधान । उ'नें आखेआ

<><><><><><><><>

JK-Transport

जम्मू-कश्मीर परिवहन मैहकमे नै माली बरे 2024-25 च 964 करोड़ रपे दा राजस्व किट्ठा कीता ऐ। आकाशवाणी जम्मू दे संवाददाता दी रिपोर्ट मूजब सरकारी आंकड़े दर्शादे न जे छड़ा मोटर गइडियें आहले मैहकमे नै जनवरी 2025 तगर 782 करोड़ 67 लक्ख रपे दा राजस्व किट्ठा कीता ऐ। इस अवधि दौरान मोटर गइडियें आहले मैहकमे नै 20 करोड़ 23 लक्ख रपे दा खर्च कीता जेड़ा दस्सदा ऐ जे मैहकमे नै बड़डा मुनाफा कमाया ऐ। सरकार नै एह जानकारी विधानसभा च विधायक ठाकुर रणधीर सिंह हुंदे सुआले दे परते च दिती ही।

<><><><><><><><>

Dy. CM Mining

उपमुखमंत्री सुरिंदर चौधरी होरें राश्ट्री जरनैली सिडकें सरबंधी भारती प्राधिकरण - एन.एच.ए.आई. दिएं परियोजनाएं कन्नै सरबंधत खान्नां कइडने मतल्लक मामलें दा जायजा लैने दे कन्नो-कन्नी प्रदेश च राश्ट्री जरनैली सिडकें सरबंधी परियोजनाएं जि'आं दिल्ली-अमृतसर-कटरा एक्सप्रेस-वे, श्रीनगर रिंग रोड ते जम्मू-रजौरी सिडक वगैरा दे कम्मै च हासल

प्रगति दा आंकलन करने लेई इक उच्ची सतह दी बैठक लाई। उ'नें सरबंधत अधिकारिणं गी निर्देश दिते जे ओह तौले शा तौले इ'नें परियोजनाएं दे कम्मं गी सबूरा करोआन ते इस दरान लोकेँ गी कोई असुविधा पेश नेई आवै, इस गल्लै दा बी खास ख्याल रक्खेआ जा। गैर-कनूनी तौरा पर खान्नां कड्डे जाने पर चैंता बुज्झदे होई उपमुख्यमंत्री होरें आखेआ जे पर्यावरण दी हिफाज़त, उं'दी सब्भनें शा बड्डी प्राथमिकता ऐ। उ'नें आखेआ जे सरकार पर्यावरण दी कीमत उपपर खान्नां कड्डने दी खुल्ल कदें बी नेई देग। उ'नें सरबंधत अधिकारिणं गी निर्देश दिता जे ओह समूलचे प्रदेश च गैर-कनूनी तौर उपपर खान्नां कड्डने आहलें दे खलाफ सख्त कार्रवाई जकीनी बनान।

<><><><><><>

Flower Show Udhampur

उधमपुर दिणं डिप्टी कमिशनर सलोनी राय हुंदी दिक्ख-रिक्ख हेठ जखैनी पार्क च आयोजित द'ऊं दिनें दा फुल्लें सरबंधी 'फ्लॉवर शो' जंदे रोज संपन्न होई गेआ। जिले दे बक्ख-बक्ख हिस्सें थमां खरी मती गिनतरी च लोकेँ इस प्रदर्शनी ते सांस्कृतिक प्रस्तुतिणं दा नंद लैता। एडीशनल डिप्टी कमिशनर प्रेम सिंह होर कार्यक्रम दे मुख्ख परौहने हे। इस मौके उपपर नशे दी कवैतू बारै जागरूकता पैदा करने आहला इक नुक्कड़ नाटक बी खेड्डेआ गेआ। इस सरबंध च होर मती जानकारी देआ'रदे न साढ़े उधमपुर संवाददाता

<><><><><><>

Jai-Valley

पर्यावरण दे अनुकूल पर्यटन गी बढ़ावा देने दी इक बड़ी पैहल दे तैहत डोडा जिले दी मशहूर सैलानी थाह 'जाई वैल्ली' दे छलैपे च नमें आयाम जोड़े गे न। उत्थे इक नमी कृत्रिम झील, इक फॉरेस्ट गेस्ट हाउस ते बिजलीकरण आहली परियोजना दे कम्में गी सबूरा कीता गेआ ऐ। इ'नें सुविधाएं दा उद्घाटन जिला विकास काउंसल दे अध्यक्ष धनेन्तर सिंह कोतवाल ते डिप्टी कमिशनर हरविंदर सिंह होरें सांझे तौर पर कीता। इस पैहलकदमी गी, 'जाई वैल्ली' गी जम्मू-कश्मीर च पर्यावरण दे अनुकूल पर्यटन गी बढ़ावा देने दी इक महत्वपूर्ण गैह दे तौर पर दिक्खेआ जा'रदा ऐ। इस सरबंध्यै च आकाशवाणी समाचार कन्ने गल्ल करदे होई डोडा दे डिप्टी कमिशनर हरविंदर सिंह होरें आखेआ

<><><><><><>